



# **INUIT ATAQATIGIIT INATSISARTUNI**

---

**Ulloq:**

**16/02 2009**

Inatsisartut Suleriaasianni § 36, imm. 1 naapertorlugu Naalakkersuisunut apeqquq imaattoq matumuuna saqqummiuppara:

**Naalakkersuisunut apeqquq:**

- 1. Kalaallit Nunaanni meeqqat atuarfiini tamani pinngitsoorani atuartut tamarmik nerisinneqartarnissaat anguniarlugu, inatsisartuni ilaasortaasimasup Aqqaluk Lyngep saqqummiussaa 2005-imi inatsisartut aaliangigaat Naalakkersuisut qanoq piviusunngortinniarpaa?**
- 2. Inuussutissanut siunnersuisoqatigiit innersuussutaannut Naalakkersuisut qanoq isummerpat? Kiisalu atuarfinni nerisaqartitsinermut tunngasunik oqallinnermi siunnersuisooqatigiinnit oqariartuutigineqartut Naalakkersuisut qanoq isumaqarfigaat?**
- 3. Inuiaqatigiinni aningaasatigut naligiinnginneq millisarniarlugu Naalakkersuisut qanoq iliulersaarpat?**
- 4. Naalakkersuisut naapertuilluarnerusorinerpaat nunatsinni meeqqat tamarmik ”børnecheck”-imik taaneqartartumik pissarsisarnerat illuatungaanili, Naalakkersuisut maanna meeqqat atuarfiini nerisitsarnissamat atatillugu meeqqanik immikkoortiteriniarnertik?**
- 5. Apeqquqigissavara nunatsinni FN-ip meeqqanut isumaqatigiissusiaata artikeliisa 27-at naammassisinnaajumallugu Naalakkersuisut ukiormanna aningaasanut inatsimmi aningaasanik illuartitsissamaarnersut kiisalu immikkut aningaasaliissummik qinnuteqalersaarnersut?**

(Inatsisartuni ilaasortaq Juliane Henningsen, Inuit Ataqatigiit)

## **Tunngavilersuut:**

AG nr. 13-inimi 16. februar saqqummersumi atuarneqarsinnaavoq Naalakkersuisunut ilaasortaq Tommy Marø atuarfinni meeqqanut nerisaqartitsisarneq pillugu oqaaseqaateqartoq. Tamatumani oqaatigaa ilaqtariit atugarliornerpaat meeraat kisimik atuarfinni nerisinneqartassasut.

Inuit Ataqatigiinni isumaqarpugut apeqqutit taamaattut tunngaviusumik isumaliutigeqqissaarneqartariaqartut, ilaatigullu ileqqorissaarnermut kiisalu inuiaqatigiinni piitsuussuseq aallaavigalugu immikkoortitaajartuinnarnermut akuersaariartornertut atugarlioreersunullu anniartitsinermik kinguneqarsinnaasumik iliornialersaarnertut paasineqartarialimmik Naalakkersuisut oqariartuuteqarnerat ilungersunartutut isigaarput.